

Missingiut

**Meeqqat pillugit inatsisip aamma meeqqat pilersorneqarnerat pillugu inatsisip Kalaallit Nunaannut atuutilersinneqarnerisa malitsigisaannik meeravissartaarnermut inatsisip, angajoqqaat akisussaannerat pillugu inatsisip aamma inatsisit assigiinngitsut allat allannguutaannik Kalaallit Nunaannut atuutilersitsinissamik peqqussut**

UAGUT MARGRETHE AAPPAAT, Guutip Saammaanneratigut Danmarkip Dronningia, nalunaarpugut:

Eqqartuussisarneq pillugu inatsimmi inatsisinilu assigiinngitsuni allani allannguutit (Meeqqat pillugit inatsisip il.il. malitsigisaannik allannguutit) inatsimmi nr. 461 7. juni 2001-imeersumi § 11, imm. 2<sup>i</sup>, malitsigisaannik, angajoqqaat akisussaannerat pillugu inatsimmi § 49, imm. 2<sup>ii</sup>, tak. inatsit nr. 499 6. juni 2007-imeersoq, inatsimmi nr. XX XX<sup>1</sup>-imeersumi § 2 aqqutigalugu allanngortinneqartumi, meeqqat pillugit inatsimmi, meeravissartaarneq pillugu inatsimmi, eqqartuussisarneq pillugu inatsimmi inatsisinilu assigiinngitsuni allani (Anaanaqataassuseq il.il.) allannguutit malitsigisaannik inatsimmi nr. 652 12. juni 2013-imeersumi § 10, imm. 2<sup>iii</sup>, angajoqqaat akisussaannerat pillugu inatsimmi, Familieretshuset pillugu inatsimmi, katissimasutut apparilersarneq atorunnaarsitsisarnerlu pillugu inatsimmi aamma inatsisini assigiinngitsuni allani malillugu allanngortinneqartumi (Pinngitsoornani najugaqatigiittussaannermik atorunnaarsitsineq aamma ilaqutariinnut inatsisinik aqqissuussaannermik nutaamik pilersitsinermik malittareqqiineq il.il.) allanngutit malitsigisaannik inatsimmi nr. 962 26. juni 2020-meersumi, § 14, imm. 2<sup>iv</sup>, aamma meeqqat pillugu inatsimmi, atsiisarneq pillugu inatsimmi aamma inatsisini assigiinngitsuni allani (Anaanaqataassutisimik nalunaarsuisarnermik eqaallisaaneq, inuit assigiinngitsunik suaassuseqartut angajoqqaajussusaannik aalajangersaasarneq aamma inuit assigiinngitsunik suaassuseqartut aqqinik allanngortitsisarneq il.il.) allannguutit malitsigisaannik inatsimmi nr. 227 15. februar 2022-meersumi § 9, imm. 2, 1. pkt.<sup>v</sup>, aalajangerneqarpoq:

**§ 1**

Meeravissartaarneq pillugu inatsimmi, Kalaallit Nunaannut atuutilersinneqarsimasumi, tak. kunngip peqqussutaa nr. 410 21. april 2010-meersoq, kunngip peqqussutaani nr. 188 9. februar 2021-meersumi § 1 aqqutigalugu allanngortinneqartumi, tulliuttuni allanngortinneqassapput:

**1. § 18, imm. 1, 1. pkt.-imi, »meeravik, aamma meeraq, allanngortinneqassapput imaalillugit: »meeraq, aamma meeravissiaq«.**

---

<sup>1</sup> Takuuk Kalaallit Nunaanni meeqqat inatsisitigut inissisimaffiat pillugu inatsisip atorunnaarsinneqarnissaa pillugu inatsisissamut missingiut aamma Kalaallit Nunaanni katissimasutut apparilersarneq atorunnaarsitsisarnerlu pillugu inatsisip, angajoqqaat akisussaannerat pillugu inatsisip aamma Kalaallit Nunaanni eqqartuussisarneq pillugu inatsisip allanngortinneqarnerat (Meeqqat pillugit inatsisip aamma meeqqanik pilersuineq pillugu inatsisip il.il. Kalaallit Nunaannut atuutilersinneqarnerisa malitsigisaannik allannguutit).

## § 2

Angajoqqaat akisussaanerat pillugu inatsimmi, kunngip peqqussutaa nr. 680 6. juni 2016-imeersoq aqputigalugu Kalaallit Nunaannut atuutilersinneqartumi, kunngip peqqussutaa nr. 188 9. februar 2021-meersumi § 2 aqputigalugu allanngortinneqartumi, tulliuttuni allanngortinneqassapput:

1. § 6, imm. 2, nr. 1 aamma 2, ima oqaasertalerneqassapput:

- »1) angut averusersimasoq imaluunniit anaanaqataasoq akuersissutiginninneq imaluunniit eqqartuussut naapertorlugit meeqqap ataataatut imaluunniit anaanaqataasut isigineqassapput imaluunniit
- 2) angajoqqaat nalunaarsimapput § 7, imm. 1, nr. 1, taamaattoq tak. § 7, imm. 2. malillugu«

2. § 7, imm. 1 aamma 2, ima oqaasertalerneqassapput:

- »Angajoqqaat, imminnut katissimanngitsut, ataatsimoorussamik angajoqqaatut oqartussaassuseqassapput
  - 1) meeqqat pillugit inatsimmi, kunngip peqqussutaatigut Kalaallit Nunaannut atuutilersinneqarsimasumi, § 2, imm. 1, § 3 b, imm. 1, § 14, imm. 1, 3 imaluunniit 6, imaluunniit § 19, tak. § 14, imm. 1, 3 imaluunniit 6, nalunaarsimappata, peqatigiillugit meeqqamut isumassuineq akisussaaffillu isumagiimagitsik,
  - 2) § 9 malillugu ataatsimoorussamik angajoqqaatut oqartussaassuseqarnissaq pillugu isumaqatigiissuteqarsimappata imaluunniit
  - 3) angut, meeqqat pillugu inatsimmi, kunngip peqqussutaatigut Kalaallit Nunaannut atuutilersinneqarsimasumi, § 1 a malillugu, meeqqamut ataataasutut nalunaarsorneqarsimappat.
- Imm. 2.* Taamaattoq tamanna atuutissanngilaq, imm. 1, nr. 1-imi nalunaarut, tunniunneqarsimappat, Kalaallit Nunaanni eqqartuussisarneq pillugu inatsimmi § 283, imm. 2-mi, angajoqqaatut oqartussaassuseqarneq pillugu apeqputip Kalaallit Nunaanni suliarineqarnissaanik piunasaqaatit naammassineqarsimanngippata.«

3. § 7, imm. 3-mi, »ataatatut« kingorna ivertinneqassaaq: »imaluunniit arnaq anaanaqataasutut«.

## § 3

Nunani avannarlerni ataataassutsimik akuersissutiginnittarneq pillugu inatsimmi aamma inuinnartut inatsisitigut piunasaqaatit pillugit nunani avannarlerni aalajangiussanik akuersissutiginninneq atuutilersitsinerlu pillugit inatsimik allannguinermi, kunngip peqqussutaa nr. 482 28. august 1982-imeersoq aqputigalugu Kalaallit Nunaannut atuutilersinneqartumi, tulliuttuni allanngortinneqassapput:

1. Peqqussutip *qulequtaa* ima oqaasertalerneqassaaq:

**»Ataataassuseq aamma anaanaqataassuseq pillugit nunani avannarlerni aalajangiinernik akuersissutiginninneq pillugu inatsisip Kalaallit Nunaannut atuutilersinneqarnissaanik peqqussut«.**

2. § 3, nr. 1, inatsimmi, Kalaallit Nunaannut atuutilersinneqarsimasumi, ima oqaasertalerneqassaaq:

- »1) eqqartuussut imaluunniit aalajangersaaneq aalajangiinermut, Kalaallit Nunaanni pinngitsoornani atuuttussaasumut, akerliuppat, tamannalu pillugu suliaq aallartinneqarsimappat, eqqaartuussivimmi suliap aappaata pilersinneqarnissaa sioqqullugu, imaluunniit aalajangersaanerup pinissaa sioqqullugu,«.

3. § 4 inatsimmi, Kalaallit Nunaannut atuutilersinneqarsimasumi, ivertinneqassaaq:

- »§ 4 a. §§ 1-4 tamatumunnga assingusumik anaanaqataassutsimi atuutissapput.«

## § 4

Taarsiiviginninnissamut akisussaaneq pillugu inatsimmi, kunngip peqqussutaa nr. 1078 11. september 2015-imeersoq aqputigalugu Kalaallit Nunaannut atuutilersinneqarsimasumi, tulliuttuni allanngortinneqassaaq:

1. § 14, 1. pkt.-imi, »Kalaallit Nunaanni meeqqat inatsisitigut inissisimaffiat pillugu inatsimmi« imaalillugu allangortinneqassaaq: »meeqqanik pilersuineq pillugu inatsimmi, kunngip peqqussutaatigut Kalaallit Nunaannut atuutilersinneqarsimasumi«.

## § 5

Inuit Qitiusumik nalunaarsorsimaffiat pillugu inatsimmi, kunngip peqqussutaa nr. 1198 29. november 2006-imeersoq aqutigalugu Kalaallit Nunaannut atuutilersinneqarsimasumi, kunngip peqqussutaa nr. 449 23. maj 2016-imeersoq aamma kunngip peqqussutaa nr. 681 6. juni 2016-imeersoq aqutigalugit Kalaallit Nunaannut atuutilersinneqarsimasumi, tulliuttuni allangortinneqassaaq:

1. Bilag 1, nr. 7-mi, »ataataq« kingorna marlunni ivertinneqassaaq: »imaluunniit anaanaqataasoq«.

## § 6

*Imm. 1.* Peqqussut atuutilersinneqassaaq ulloq [dato].

*Imm. 2.* Angajoqqaat akisussaanerat pillugu inatsimmi, kunngip peqqussutaa nr. 680 6. juni 2016-imeersoq aqutigalugu Kalaallit Nunaannut atuutilersinneqartumi, peqqussummi matumani § 2, nr. 1 aamma 2, malitsigisaannik, kunngip peqqussutaani nr. 188 9. februar 2021-mi § 2 aqutigalugu allangortinneqartumi, § 6, imm. 2, nr. 2, § 7, imm. 1, nr. 1, aamma § 7, imm. 2-mi allannguutit taamaallaat meeqqanut atuutissapput, peqqussutip atuutilersinneqarnerata kingorna inunnngortunut.

---

<sup>i</sup> Aalajangersagaq ima oqaasertaqarpoq: »§§ 2, 3, 5 og 6 kunngip peqqussutaatigut Savalimmiunut Kalaallit Nunaannullu atuutilersinneqarsinnaapput, immikkoortut Savalimmiuni imaluunniit Kalaallit Nunaanni pissutsinit immikkut ittuni piumasarineqartut tunngavigalugit.«

<sup>ii</sup> Aalajangersagaq ima oqaasertaqarpoq: »§§ 6 aamma 7-ip immikkoortortai, imm. 1-ip malitsigisaannik Kalaallit Nunaannut atuutilersinneqarsimangitsut, kunngip peqqussutaatigut Kalaallit Nunaannut tamakkiisumik ilaannakuusumilluunniit atuutilersinneqarsinnaapput, allannguutit Kalaallit Nunaanni piumasarineqartut tunngavigalugit.«

<sup>iii</sup> Aalajangersagaq ima oqaasertaqarpoq: »Inatsimmi §§ 1-4 aamma 7 kunngip peqqussutaatigut Savalimmiunut Kalaallit Nunaannullu tamakkiisumik ilaannakuusumilluunniit atuutilersinneqarsinnaapput, allanngutit Savalimmiuni Kalaallit Nunaannilu pissutsinit piumasarineqartut tunngavigalugit.«

<sup>iv</sup> Aalajangersagaq ima oqaasertaqarpoq: »§§ 1-9 aamma 11 kunngip peqqussutaatigut Kalaallit Nunaannut tamakkiisumik ilaannakuusumilluunniit atuutilersinneqarsinnaapput, allannguutit Kalaallit Nunaanni pissutsinit piumasarineqartut tunngavigalugit.«

<sup>v</sup> Aalajangersagaq ima oqaasertaqarpoq: »§§ 1-5 aamma 7 kunngip peqqussutaatigut Kalaallit Nunaannut tamakkiisumik ilaannakuusumilluunniit atuutilersinneqarsinnaapput, allannguutit Kalaallit Nunaanni pissutsinit piumasarineqartut tunngavigalugit.«